

精鈔
大字

隨

園

全

集

碧腴齋詩存

四五

增補
通志
卷之
五
律
詩
集
卷
之
五
上

碧石
詩存
腴齋

上海文明
書局藏版

碧腴齋詩存序

碧腴齋詩妹婿書巢作也書巢之詩不得已而存焉者也書巢弱冠舉于鄉從桂林來修婚兄弟禮既見即別別三十四年矣聞其成進士宰什邡走川峽再為東諸侯選郡將登臨于泰岱瑯琊之罍間凡一切大府艱巨事皆所辦治又性好交契重然諾廉俸朝入饋遺暮盡答四方箋奏日晡斗麴為糊五記室掌之手腕欲脫猶不能過此其希通慕大豈肯以一吟一詠賓賓然作學子終哉其所癖嗜尤在于書署中縹素山積躬自排比雖圓潤所猶手一編拳拳不釋今年秋以詩集見寄且曰子為我序而行之嗚呼吾今乃知書巢真欲以詩自存矣今夫孔雀負青天而飛方將追鳳皇儀虞廷不自知其身有丹翠也及其折清風而松茫洋無之則不覺自憐其尾作吉光片羽之珍使書巢當得意時一日千里隆隆而升必無暇為詩就使為詩不過編成于故吏門生之手甘苦終難自知乃書巢之于宦途也若稱意若不稱意莫益之或擊之三仕之二己之年垂六十髮蒼然而室蕭然除骨肉妻孥外只此一編與伴晨昏其理而存之也可喜也尤可悲也然世之寵榮赫耀十倍于書巢者一旦聲漸影滅沒世無稱其效亦歷歷可觀矣天之厚書巢而使之有詩書巢之能承天之厚之之意而能工于為詩皆所謂三公不易者也其梓而公諸天下也奚疑哉奚讓哉惜余年衰不獲與書巢多相唱喁以抒老懷且喜書巢詩集之成得于我身親見之故為述其生平梗概以見書巢之所以為書巢者別自有在原不與富貴浮雲同為留去者也至于其詩

之淵源得力處諸序中申之甚詳余不復贅隨園老人袁枚序

碧腴齋詩存卷一

桂林胡德琳書巢著

泊瀑布塘

維舟向古塘晚唱迴柔櫓漁火一江星瀑聲終夜雨

京師寓中消夏

陋巷無車轍愁侵歲月過懶宜知己少貧怕受恩多此地非炎徼寒香夢碧蘿敝裘猶未脫去住兩如何

宿富莊驛

客行猶未息戍角起凌空垂柳水逾碧斜陽山更紅邨荒難覓酒花細不禁風渺渺征人影低徊烟靄中

德州道中

轆轤催去小車忙烟堡人家入渺茫雅背倒翻殘照亂桑花細度晚風香荒邨燈火林端隱野路蓬蒿馬首長欲問升沈無官輅平原深夜飽星霜

雙病鶴詩呈我村先生

仙標剩有骨嶙峋浪藉文章付軟塵鍛後短翎常畏客病中清咳尚驚人九臯已遠心猶在並翼

相憐意更親賴有文公能拂拭冲霄曾見上秋旻

送浦山先生入都

弱齡慕至道未遇餐霞人東游過秦岱邂逅逢上真蒼顏駐太古含華葆清神澹泊洞難測冲和復易親心知抱秘要不靳開示頻陽光徹幽翳靈藥授大春迴視糠粃餘邈焉泊淄塵青鳥歛北來翺翔周無垠舊遊一回首天風吹白蘋

初發錢塘夜宿閘口

吳歌聽緩緩楚客又南征傍晚臨前牖孤舟對短檠文章天漢影風雨大江聲繡被宵寒甚停橈空復情

泊富陽對月

日落渚烟橫蒼茫客思生寒雲運野岸明月近山城正抱舊鄉恨况兼新別情百端俄已集成角又悲鳴

過嚴子陵釣臺

七里灘聲急高臺俯亂山斯人真放達江水自潺湲星伴孤舟冷雲浮萬古閒名泉傳十九何處洗塵顏

舟中望廬山

香爐烟縹緲。五老碧氤氳。風合方疑雨。晴開亦帶雲。清鐘來遠寺。白鹿念同羣。精舍今何似。蓬牕對夕曛。

讀琵琶亭集次蝸寄居士倡和原韻二首

片帆昨日過江州。迅駛風烟不少留。還見高亭啣落照。滿天霞影楚江秋。四野桑麻布好陰。

碧幢紅旆幾登臨。香山送客公邀客。把臂風人盡入林。居士於亭中設粉版以待過客之能詩者採而付諸梓斯集所由成也

己巳九月用杜紫微齊山登高韻同范文容安吳雲巢陸鶴巢

驚蓬浙滬振霜飛。坐對江城曙色微。幾度悲秋長作客。始知望遠不如歸。黃花何處尋荒徑。碧樹多情戀夕暉。一片砧聲風外急。天涯游子欲沾衣。

雨夜雲巢齋中分韻

秋雨灑空冥。西窗客共聽。廉垂千障黑。風晃一燈青。蟋蟀吟何苦。江湖酒易醒。巴山同此意。身世尚浮萍。

雪中寄懷雲巢三首

寂寥官閣久支頤。天外寒香有所思。一事今年惆悵甚。梅花夢冷竟無詩。官署無梅空江渺渺遠。

愁予清興能諧應有餘。遙想畫船呵凍管。吟成獨對玉蟾蜍。碧天初霽鳥還飛。明月青山獨。

掩扉。一徑寒封雲不度。長廊步屐近來稀。

對雪用東坡聚星堂詩韻東鶴巢

空山旅夢亂風葉覆首重衾夜聞雪紙窗侵曉急起來披衣開戶叫奇絕對面長蛇望悄然老樹槎
枒幾枝折鱗次千家烟火遲微茫一徑人蹤滅悅覩藍田好圖畫筆底峻嶒同瘦削恰憐妙手此
間在一笑相呼青眼纔凌寒把酒坐高齋岸幘雄談無瑣屑醉添捐拙煨芋魁鑪火光搖香
篆瞥個中清景獨君知此外炎涼向誰說急宜呵管繪蒼茫莫使層冰滿寒鐵

庚午生日鄂渚寓中即事

書劍飄蕭寄楚天謾誇火色舉烏肩江山勝概還如昨已過周郎破賊年

次韻送劉鳳岡歸越

澹雲徙倚楚天輕握手山城別有情二月好風吹袂薄一江春水映帆明杜鵑聲裏花初放鸚鵡
洲前草又生我亦琴書悲落拓不堪折柳送君行

送客

落花飛絮滿江城日日江頭送客行千古銷魂漢南路一行高柳數聲鶯

秋籟亭有感寄鶴巢

嶺雲越樹兩心違執手河梁夕照微黃鸝徘徊一千里也應憐我不能歸

雲巢自吳門以詩見懷次韻却寄二首

無端小別又經年。不信魂消口黯然。明月夢迴桃葉渡。空江吟望木蘭船。也知燭影聯詩夜。時有鐘聲攪客眠。七字忽來千里外。露荷風細瀉珠圓。

落盡桐花一徑香。新詩舊雨細評量。

風流南國推吳季。文弱西頭愛陸郎。

謂鶴巢

官柳依依春色遠。芳洲綠綠碧波長。故園況復思兄弟。

回首天涯淚幾行。

來詩詢及家鐵臣尚未來楚

秋夜用昌黎秋懷詩韻十一首

良田薄晚耕。嘉種猶疑疑。燈火趁新涼。鷄鳴聲未已。同舍嗤愚駭。高枕厭聒耳。斯事出本性。風雅思振起。慨然念俗學。剽竊空形似。羊質而虎皮。炫燿何足恃。致用在窮經。閉門將掃軌。持此謝同人。凍餒吾亦喜。

大造均雨露。嚴初無榮悴。君看離下菊。豈必生高地。寂寞向三春。衆草空驕恣。

古道開荒榛。長路何曼曼。陋室即安

居。至味寓蔬飯。哲人盡當境。其外復何願。能尋此中樂。嗜飲不待勸。商歌出金石。貧病去相萬。文繡徒施身。美玉豈自獻。何以對天人。無暇論尤怨。

清颺過叢竹。直幹誰能凌。不為折節士。恥

作被凍蠅。柔顏備百態。攬鏡應自憎。不見寒山高。瘦骨轟鋒棱。澄潭淨餘滓。羨魚宜結曾。緣木而求之。曲鉤非吾能。

朔鴈從風來。半夜有所驚。歷歷星辰明。杳杳河漢永。萬里欲雪霜。六

合潛驚猛。玉牀汲井華。心苦轉素纒。生年值太平。草木亦有幸。歡散倘可期。逍遙敢退屏。

楚

館有餘清。流連惜光景。挂笏向西山。朝日寒罔罔。驚蓬匝地飛。蓮沼歎浮梗。名士署馬曹。建步

無由騁何物桓將軍。生死尚固請。

大智常若愚。吾道宜從閑。古今何可窮。天地猶有憾。所悲

虛歲時縱逸。類魚暇。儒素出家風。攻苦能食澹。莢葉中凋零。讀書媿泛濫。塵事汨性靈。誦久記惟

前年忝

賢書。驅車何軒軒。鴈行幸接羽。驥足相追奔。墳荒迭唱和。山川入笑言。春官悵失意。飄墮事異

前。風塵一回首。念之不能餐。反聞客鄉縣。兀兀守一編。我獨遠留滯。辛苦歷萬千。秋花明蹀躞。歧

路增悲酸。浮名奪至樂。翻憶兒童年。

明月照虛幌。獨飲樽忽乾。小醉成遠夢。叢樹璨珠

玕。一二同心人。握手問平安。共道長相憶。古井無波瀾。言辭若未畢。瀛海升金丸。寒鷄忽長號。驚醒

如墮戰。

夜氣日凜凜。萬慨同一聲。空亭葉落下。涼露綴微明。柏柏仰老幹。葵藿餘丹誠。蒼

葭詠采采。流水空盈盈。秋風思鱸膾。江東一步兵。

謂浦山先生習坎得靜止。晚節當敷榮。白雲止滿屋。

高卧誰使令。

淥水媚芙蓉。芬芳競言好。涉江人共采。傳聲亦何早。秋雨忽離披。顏色不自保。

乃知古賢達。枯木甘形槁。沒世疾無稱。虛名何足道。

九日得鶴巢雲巢書并示諸同人二首

遙天風細碧波長。木葉蕭蕭襟袖涼。白下故人來尺素。黃花今日又重陽。離心久逐歸帆遠。酒態

空餘落帽狂。知否庾樓成獨眺。舊遊蹤跡已蒼茫。

幾回長嘯獨憑闌。靜對浮雲俯仰寬。何處

笛聲驚雁落。一樓山色撲人寒。雨侵砌草痕猶綠。秋老江楓葉未丹。楚客相看無賴甚。向來慷慨

笑無端

渡江二首

巨艦何鬼我。小舟時歛漾。天寒潮未來。銜尾不得上。

寒日映江心。凍雲迷江口。何處古蕪城。春

風蕩楊柳。

歸舟雜興

小姑眉黛映秋空。穀影靴紋碧一弓。不識彭郎緣底事。任他拋擲浪花中。

將抵唐陵

十里蕪城近。遙看雉堞齊。愁心揚子水。曉夢汝南鷄。風定檣帆直。天寒塔影低。可憐新種柳。衰颯滿長堤。

以詩代書寄家

夜雨從西來。寒燈颯蕭爽。遙聞牕外聲。夢破空江響。

碌碌復碌碌。長年知昨非。男兒有遠志。

切莫寄當歸。

北征雜詠

北征殊節候。長路苦漫漫。春半草初發。雪晴天更寒。斯人猶凍餒。吾道自艱難。披帽風塵裏。聞愁閱萬端。動息真無定。饑寒事不常。家貧語客苦。人倦覺途長。日曬茅簷暖。風吹麥餅香。羨

渠不識字安穩牧羊田家有月令春事及時營乍暖人疑雨奇寒天欲晴老農常共話瘠土已深耕回首鄉園在荒蕪祇暗驚冰花開積潦雪浪蹴平沙道古人蹤絕天寒日影斜小車遲駟馬細路問三叉目斷前林晚歸飛噪暮鴉

過淮

葦吹編為室蘆薪織作簾過淮春色減向曉北風大密雪霏霏下征衣旋旋添禦寒思貰酒何處覓青帘

過沂州

長征雨雪苦難支乍喜輕寒上面吹日暖雲山浮遠黛天清露柳眉游絲晴光遙映飛鳥樂和氣初回嫩絮知好事暮春時節近高風何處想清沂

山行即景

新晴連日減春袍路轉寒光上野蒿澗道陰森留雪久山田犂确入雲高鳥隄礪石眠芳草白鳥將雛理毳毛無限詩情吟不盡斜陽人影下平皋

得雲巢大魁之信志喜二首

仙槎幾日上瀛洲姓字喧傳播九州人似仲華年正少才如李重遇偏優絲箋獨射金門策月斧高攜玉殿秋若使南宮非僥得藝林盛事備三頭雲巢以省元試南宮時聞中亦擬第一楚館論心憶往年風流

今望出羣賢。墨頭有志羞溫飽。青眼無塵對蕭編。贈編昔家吳季雅。著鞭今讓祖生先。烏絲墨
寶追前輩。真署人間第一仙。雲集有狀元墨寶數科前輩之筆曾乞佩棠作詩有憑
君預寫龍紗句親署人間第一仙之句合棠然亦異事也

碧腴齋詩存卷一終

碧腴齋詩存卷二

桂林胡德琳書巢著

送家鐵臣歸粵

臨岐制淚恐情傷。萬里關河路正長。我亦欲歸悲落拓。君今何事病佯狂。人情大有杯中影。身世宜尋肘後方。珍重老親雙髮白。斜暉遠望立蒼茫。

哭鶴巢二首

脫驂舊館記徘徊。雪夜曾經訪戴來。羽鍛秋風辭碧落。花飛上苑點蒼苔。離鸞慘苦傷神久。鶴巢去歲

悼雛鳳聲清脫纜。曾以幼子見託愁絕白頭雙老在。蘭摧玉折不勝哀。
戴酒題襟向楚天。風流李

子實神仙。謂雲巢畫腰魂我難齊足。馬首期君好看鞭。一夕飛沉谷迫隔。百年生死事憂煎。閒鷗野

鷺今零落。獨立江湖意惘然。

聞雲巢典試粵中

國家累葉重孝治。宏恩大澤推今年。萬安宮中備典禮。使者四出車連翩。帝念邊隅遴哲

匠。誕敷文德同昭宣。吳君去歲魁天下。慶霄高步凌三千。西清侍直未半載。宸衷簡注親講

筵。年聞星班列螭首。又持玉節清靈烟。吾粵風氣近淳古。溯源端賴西江瀕。維兩中丞楊蘭畹先與

李楊堂先文治輝映相後先。中間方伯今唐介。義村先輔理樂育允拳拳。山長更得赤水裔。杏